

Մեր մակոյլը արդէն մօտեցել էր:

— Ողջոյն, տէր:

— Բարի երթաք:

Ու բարի գնացի՛նք:

Առեղծուածային Սեւանայ կղզին հրեց մեզ, եւ լճի ներքնախորը նստած ուղտերի կաւաւանը կարծես շարժուեց:

Ժայռերը բարձրացան: Պատ: Աչքերիս վրայ մութ էր նստել:

«Տուն: Տուն նամակ եմ գրել»:

Խեղճ արեղայ, կարծում է, որ դեռ տուն ունի: Մենք ամէնքս կարծում ենք, որ դեռ տուն ունենք:

Ո՞ւր: Մ՞տեղ:

Ձեռքս շուրի մէջ դրի, սառը խածեց մատերս:

— Ձուրը սլա՞ղ ա...

— Պա՛ղ ա:

Ու մատերս կոպերիս քսեցի:

* * *

Նաւը, նա՛ւը:

Վարը, լայնածաւալ լճի մէջ, փոքրիկ, երախայական խաղալիքի նման, մեծ ծուխ հանելով, առաջանում էր ճերմակ մի նաւ: Մեծ նաւահանգիստների մէջ անհանգիստ պտտող ըզէզ այն նաւիկներից մէկը, որոնք հեռուից եկած նաւերի առջեւ խելօք շնիկի նման վազում են եւ ճանապարհ ցոյց տալիս:

Սուլեց: Եւ ակամայ, ամէնքս ծիծաղեցինք:

Բարակ, խուպոտ մի ձայն, ա՛յնքան տարօրինակ այստեղ: Եկա՛յ:

Եկաւ:

6.

Իշխանութիւնը թեւերը վեր է քաշել ու փուռից հանած «Թագադուզիթ» իւղալի կտորներ է բաժանում մեզ:

Հիմա որ նաւի վրայ ենք — Լուկաշինի հետ «Լուկաշին» նաւի վրայ — լիճը ժամը մի քանի կիլոմետր ներս է մտնում մեր աչքերից եւ դեղին մելանով նկարում է իր ափերը:

Ձախ կողմի ժայռուտ, խստադէմ լեռները գնալով աւելի վեր են ցլուում եւ իրենց սրածայր դագաթները մխրճում երկնքի մէջ: Դիմացի ափը տպարանական շարուածքի նման թափել է իր գրերը եւ անհուն մի մեկամաղ-

ձութիւն սատկած ձիի նման ուռել է արխանդների մէջ:

Կոնեակի շիշը բռնած՝ իշխանութիւնը աշխատում է մի քիչ ուրախութիւն բաժանել. ստեղծել, այնպէս, ընտանեկան մթնոլորտ: Սաղայն, մեղանից ամէն մէկը կարծես մի մի գորտ է սեղմել ձեռքին, ու կոնեակի բոցը ընկնում է սառոյցի վրայ:

Տխո՛ւր ընտանիք:

Տեղաւորուել ենք, ով ինչպէս կարողացել է՝ երկարած դէմքերով, վիրաւորուած նայուածքներով: Կարծես ամէն մարդ հորի մէջ է նայում: Բարի կամքը չէ որ պակասում է: Ինքը Լուկաշինը պարզ, մի մետաղից շինուած մարդ է, լուրջ, դործունեայ եւ համակրելի: Իդէալ դործակատարի տիպար, հեռաւոր իշխանի ամայի ազարակը վերաշինող, միամիտ եւ միակողմանի:

Եկել ենք մեր երկիրը տեսնելու համար: Ամէնքս էլ դրսից եկած, օտարական ճամբորդների դերք ենք բռնել: Կուկի յաճախողներ, կամ աւելի շուտ, աղքատ աշակերտների համար սարքուած ճրի ճամբորդութիւն: Ղուզի մի կտոր, մի բաժակ կոնեակ եւ սրտերի մէջ փռուած մենակեաց եւ տրտում այս լիճը, որի բնոյթը ոչ ոքի համար ըմբռնելի չէ:

Ծերունի ճարտարապետ ակադեմիականը՝ կարճատես եւ հիւանդ իր աչքերով դիտում է տարածութիւնը, ու գլուխը վայր դրում:

Գերասանը կուչ է եկել մի անկիւնում եւ իր բոլոր դերերը մոռացել է:

Նկարիչը նայում է գետնին:

Ծանր այս լուռութեան մէջ, Լուկաշինը ցուցամատը ուղղում է դէպի ափը եւ աչքերը աչքերիս մէջ դնելով՝ ցուցնում է.

— Այնտեղ, Այրի վանքն է...

Ամէնքս նայում ենք այն կողմը: Հեռուում նշմարուում է հայ եկեղեցիի մի գմբէթ, կանգնած ամայի մի անապատում: Երկիր եւ եկեղեցի նոյն գոյնն ունին՝ դեղնած հողի, անձրեւ կերած կաւի այն չեզոք գոյնը, որը հայկական լերկութեան վրայից վայր է ընկնում շարժուող մահի նման եւ մարդու սիրտը խածնում:

Այրի վանքը:

Քանդուածութեան, փլուզումի յիշատակ: Չորացած լաւայի ճեղքուածքներ: Կիզիչ արե-